

元身釋書


北五之七



和書門			
二五〇九號	一三函	一〇架	冊

內閣文庫	和書
二五〇九號	一〇架
一三函	冊
一〇架	冊

內閣文庫	
番號	和 25049
冊數	10 (9)
函號	113 2



元身釋書卷第二十五

資治表六

濟北 砂門

師鍊

撰

淺草文庫

起天曆至承保合十一君

天曆皇帝 村上治世一代

元年春正月復四月丁巳改元天曆秋七月冬十月

天曆元年丁未正月不書即位去歲四月

二十八也帝昌泰昌十四年諱成明四月

改元二十二也此歲當五代漢高祖天福元年也

二年 天曆二年

三年 天曆三年

四年 天曆四年

五年 天曆五年

六年春三月太上皇祝髮構法華堂于醍醐

寺復秋冬

天曆六年三月二十四上皇出家居佛陀

寺醍醐法華之材移清涼殿材也

七年春二月修天下廢寺祠起塔于雲林寺

復秋八月寫大藏經

天曆七年八月寫藏五千四十八卷薦上

皇也

八年春二月慶法性寺塔復秋冬十有二月

藤僕射師輔宿睿山

天曆八年十二月初五良源法師延元興

寺義昭於延曆寺修法華八講四日右僕

射登山聽講

九年春正月講法華經于弘徽殿復秋冬

天曆九年正月寫金字法華乃延名德於

弘徽殿啓講席救親王公卿各捧金玉羅

紈綺階昇殿行親薦母皇太后也

十年

天曆十年

十有一年春夏秋冬十月庚辰改元天德

天德元年十月二十七改

十有二年春正月沙門延昌為僧正夏秋冬

天德二年

天德二年

十有三年春夏五月轉經于十五大寺秋七

月僧正延昌修法于大日院九月轉大般若

經于清凉殿留師修法于仁壽殿冬

天德四年五月十五大寺讀經除疫也七

月大日院修熾盛光法攘災也九月沙門

四十人讀經於清凉殿及仁壽殿熾盛光

修共攘災也

十有五年春二月庚辰改元應和。二月施布
帛于三大寺僧正延昌修無量壽智決定如
來法于延曆寺沙門寬空修孔雀經法于冷
泉院。夏四月轉經七大寺及諸國分寺。冬十
有一月畠師修安鎮法供一萬沙門。

應和元年二月改元十六也。三月初四東
大興福延曆三寺施布帛壞災也。四月轉
經除疫也。初二月大内火。十一月移新宮。
詔延昌修安鎮法。

十有六年 應和二年

十有七年春三月慶雲林寺塔。天皇幸之。夏
秋八月沙門良源法藏衛講于清涼殿。冬

應和三年三月十九雲林寺塔成。帝幸落
慶之席。八月二十一設法華講筵于清涼
殿。延南北都名德二十人。五日十座論詮
至理。初日朝坐。南觀理為導師。北餘慶問
者。夕坐。南安鏡為導師。北能慧問者。二十
二朝。導南安秀問。北賀秀。夕導南法藏問。

北覺慶二十三朝道北良源問南平州夕
導北禪愉問南平到二十四朝導北智興
問南真義夕導南湛然問北崇壽二十五
朝導北壽肇夕導北聖救問共南仲筭二
十六散導師觀理也於是乎第二日法藏
立定性二乘不成佛義覺慶問難不明源
踰次詰徵相台交鋒法戰夜深第三之日
良源本導法藏新問平州束手無分法藏
詞屈于時戶部尚書藤文範以謂南京者

春日明神之管内也南衆不競是明神之
患也我為其胤蓋負乎後二日不可失
也便便潛馳赴南中心私誓我願於春日祠
側必遭英才相將還都神亦真真助果祠
側逢沙門仲筭筭問官講藤公告實咬齒
伴來初仁賀圓藝為第五日朝夕問者筭
二代賀藝詞義壯麗藤公以為不徒馳也
十有八年春正月僧正延昌寂復秋七月癸
未改元康保沙門寬空為僧正夕

康保元年七月初十改元
十有九年五月康保二年
二十年
二十有一年春復五月癸巳天皇崩秋冬
康保四年五月帝不預十四出家法諱覺
貞二十五禪位太子即日崩尋常天子出
家皆書易為不書臨崩也何不書禪位臨
崩也

安和皇帝

冷泉世三年

元年春正月夏四月秋八月癸亥改元安和
冬十月

安和元年戊辰正月不書即位去歲十一
月十一也帝天曆第二子諱憲平三月十
一沙門寬忠為律師兵部尚書敦固親王
第三子寬平之孫也王孫任僧綱自忠始
不書微也八月改元十三也此歲當趙宋
太祖開寶元年也

二年春夏秋八月戊子天皇禪位于皇太子

冬

安和二年八月受禪十三也

六十天祿皇帝

融治世十九年

元年春三月丙寅改元天祿復四月秋七月
冬十月

天祿元年庚午正月不書即位去歲九月
二十三也帝天曆第五子諱守平三月之
冬改元二十五也此歲當開寶三年也

二年春正月天祿二年

三年春二月脩正寬空寂復秋冬

天祿三年

四年春二月沙門神鎮礼宗得二州講師夏
秋冬十有二月庚子改元天延

天延元年二月藥師寺食堂火延及講堂
比丘鎮宗二人救火大毀不燒知事録奏
差尚書左丞源涉入寺覆覈得事實救神
鎮為參州講師礼宗和州島為書得幸得
也十二月改元二十也

五年春夏五月置讀經論義于宮中秋冬
天延二年五月初七宮中設讀經論義四
時有之凡五番一運源勸綜二仁幹光休
三奮然源信四禪詮玄明五賀秀真義

六年 天延三年

七年春夏秋七月戊寅改元貞元冬

貞元元年七月十三改

八年春夏秋七月沙門陽生修安鎮法冬十

月沙門寬靜良源為僧正

貞元二年初元年五月大内火今茲七月

移新宮先令陽生修安鎮法十月之僧正

良源權也

九年春夏四月丁卯改元天元秋冬

天元元年四月十三改

十年 天元二年

十有一年 天元三年

十有二年春夏秋八月僧正良源加大沙門

寬朝尋禪為僧正冬

天元四年七月帝患瘧召良源加持愈故
為大僧正行墓之後無大號經二百年源
乃仕同日朝禪為僧正禪權也

十有二年春正月侍中平恒昌涉春山徵座
主良源夏秋冬十有一月沙門奮然赴宋

天元五年台山有法闍流言慈覺徒欲燒
千手院院有智證經藏朝廷恐法藏灰故
勅平侍中上山告諸耆宿固守經藏莫令
受燼時良源為座主或奏源為爭地故使

使徵源源抗表陳奏尋常入山皆書景上曷
為書涉檢問使也良源為大僧正去盡書官
時為座主也又受讒也豈讒云乎純正無
疑于疑受讒于疑者源之罪也

十有四年春三月慶圓融寺納封戶于寺復
四月庚子改元永觀秋冬

永觀元年三月二十二寬朝僧正慶圓融
寺落二十五納封一百戶四月改元十五
也

十有五年春復秋八月庚子天皇禪位于皇太子冬

永觀二年八月二十三太子受禪今茲八

月八僧都元杲兼法務大僧正良源正寬

朝先管法務時有三法務

六十五寬和皇帝 花山治世二年

元年春正月大僧正良源寂二月皇太后建

觀音院夏四月巳亥改元寬和秋八月天祿

上皇祝髮冬十月

寬和元年乙酉正月不書即位去歲十月

初十也帝安和長子諱師貞二月皇太后

畱子於台山西麓建觀音院四月改元二

十五也八月二十九太上天皇從寬朝出家

法諱覺如此歲當大宋雍熙二年也

二年春夏四月太上天皇受戒于東大寺六月

巳朱天皇祝髮于花山寺聖筭一十有九秋

冬十有二月僧正寬朝加大

寬和二年四月天祿上皇受戒六月二十

二、中夜帝潛出宮幸花山寺剃髮法講入
覺書聖壽貴也曷爲貴妙齡果決也

永延皇帝 丁未世廿五年

元年春二月沙門喬然至自宋夏四月可
改元永延秋七月冬十月道皇幸南京諸寺
永延元年丁亥正月不書即位去歲七月
二十二也帝天祿長子諱懷仁四月改元
初五也此歲當雍熙四年也
二年春三月慶圓融寺塔夏秋冬

永延二年

三年春夏秋八月丙辰改元永祚冬十月僧
正尋禪賜封戶

永祚元年八月改元初八也尋禪封一百
戶

四年春三月道皇灌頂于東寺夏秋冬十有
一月戊子改元正曆

正曆元年三月天祿上皇從大僧正寬朝
灌頂十一月改元初七也

五年春二月辛亥天祿道皇崩僧正餘慶寂
夏秋七月沙門真義為僧正冬六月
正曆二年二月道皇之崩十二也
六年春夏秋冬慶法住寺

正曆三年

七年 正曆四年

八年春夏秋冬十有一月沙門暹賀為僧正

定僧正正權

正曆五年十一月暹賀任僧正救曰自今

僧正正權可依臘次蓋真義少賀為正故

有此詔此日沙門隆圓直任僧都年一十

五僕射藤道綱弟六子少年僧綱自此始

九年春二月戊戌改元長德復秋冬

長德元年二月二十二改

十年 長德二年

十有一年春夏四月議宋國新書秋冬

長德三年四月宋書議在勸修事中

十有二年春夏六月大僧正寬朝寂秋八月

僧正暹賀寂冬十有二月沙門勸修為僧正

長德四年

十有三年春正月丁卯改元長保夏秋冬

長保元年正月十三改

十有四年春二月僧正真義寂二月僧正勸

修加大覺慶為僧正夏秋八月沙門寂昭赴

弟冬

長保二年

十有五年春三月修大仁王會轉壽命經千

大極殿夏秋冬十月大僧正勤修沙門明豪

賜封戶僧正寬慶加大明豪為僧正

長保三年春天下疫三月仁王會除疫也

又於大極殿命一千沙門轉壽命經

十有六年春夏秋七月僧正明豪加大沙門

雅慶勝筆為僧正尋光得律師八月大僧正

明豪寂冬

長保四年七月慶筆二師為僧正自此不

言正權依正曆五年詔也是日沙門尋光

為律師尋常律師不書易為書毀也曷為
毀得覺慶之讓也讓何朝廷有賞賜僧官
慶啓讓端故毀書然何不毀度者度淺官
深君子言其深不言其淺焉
十有七年春三月沙門聖清得法印大和尚
位夏秋冬

長保五年三月聖清任法印散位之始也
十有八年春夏秋七月壬寅改元寬弘冬
大寬弘元年七月二十改

十有九年

寬弘二年

二十年

寬弘三年

二十有一年、寬弘四年

崩夏秋

二十有二年春二月己亥寬和道皇崩夏秋
七月大僧正勸修寂冬

寬弘五年

二十有三年春夏六月定講寂勝王經于內
殿秋冬

寬弘六年六月十九延名德宮中講論寂

勝王經五日立為式先代或行或止自今
為例故書定

二十有四年春二月慶讚佛像經文夏秋冬
寬弘七年

二十有五年春夏四月僧正雅慶加大五月
慶讚大藏經千一條院六月甲子天皇崩秋
冬十月僧正勝算寂

寬弘八年六月十三讓位二十二帝崩

六十七
長和皇帝 長治世五年

元年春正月夏四月秋七月冬十月大僧正

雅慶寂十有二月戊子改元長和

長和元年壬子正月不書即位去歲十月

十六也帝安和弟二子諱居貞十二月改

元二十五也此歲當真宗大中祥符五年

也

二年春夏秋冬十有二月沙門明救擢僧正
僧正慶圓加大

長和二年初帝即位後耳目不明十一月

詔明救修法于仁壽殿帝夢明救左右耳
日月出乃人我双眸覺後聰明如元十二
月授僧正

二年春夏秋冬十有一月大僧正覺慶寂

長和三年

四年

長和四年

五年春正月甲戌天皇禪位于皇太子夏秋
冬

長和五年正月二十九讓位

六十八
寬仁皇帝

後天治廿五年

元年春正月復四月辛卯改元寬仁秋七月
冬十月

寬仁元年丁巳正月不書即他去歲二月
初七也帝永建第二子諱敦成四月改元
宋真宗
二十三日也此歲當天禧元年也

二年

寬仁二年

三年春三月大相國藤道長薙髮復秋九月
受戒于東大寺大僧正慶圓寂冬十月僧正

濟信加大

寬仁三年九月藤相國出家受戒

四年春三月大僧正濟信聽牛車夏秋七月

僧正明救寂冬十月道相受戒于睿山

寬仁四年三月濟信許牛車沙門牛車自

信始道相何藤相也猶寬平稱道皇也

五年春二月丁未改元治安夏秋冬

治安元年二月初二改

六年春夏秋七月道相慶法成寺天皇幸之

定朝得法橋上人位冬

治安二年七月十四道相落慶法成寺帝

率后妃太子百僚幸寺定朝何佛工也何

不族工也工何登綱位朝造法成寺佛像

好道相大悅擢綱位工人綱位朝為始君

子曰藏文仲祭爰居二日而死朝何不造

死乎

七年春夏秋冬十月道相上高野山十有二

月僧正深覺加大

治安三年十月道相詣金剛峯寺取路南
京禮謁七大寺

八年春夏秋七月庚戌改元萬壽冬

萬壽元年七月二十改

九年萬壽二年

十年春正月大皇太后落髮夏五月釋心譽

賜封戶秋冬

萬壽三年正月太后上東門院出家五月

心譽封七十戶也尋常封戶不姓曷為書

大姓褒也曷為褒帝病召譽加持乃愈帝悅

賜封戶此回非恩惠故書姓而褒

十有一年春夏秋冬十有一月天皇幸法成

寺納封戶供沙門一万人十有二月甲子道

相藤道長薨

萬壽四年冬道相疾於法成寺帝幸問之

因納五百戶于寺又供南北二京比立万

人

十有二年春夏五月僧正院源寂秋七月戊

午改元長元冬十有二月釋心譽擢僧正
長元元年七月改元二十五也十二月初
四心譽為道相期忌導師帝感唱演即坐
授僧正

十有三年春夏秋八月僧正心譽寂冬十有
二月大僧正濟信深覺賜封戶

長元二年十二月二僧正封各七十五戶
十有四年春夏六月大僧正濟信寂秋八月
太皇太后慶東北院僧正慶命賜封戶冬

長元三年八月二十一大后延僧正慶命
落慶東北院封七十戶依慶賞也

十有五年春夏五月釋仁海賜封戶秋冬十
有二月沙門永圓為僧正

長元四年五月仁海封七十戶依慶賞也
書姓見應也

十有六年 長元五年

十有七年春夏秋冬十有二月沙門明真為
僧正

長元六年

十有八年春夏秋九月沙門教圓為阿闍梨

長元七年十二月沙門教圓為阿闍梨阿闍梨

官自國始

十有九年 長元八年

二十年春夏四月乙巳天皇崩秋

長元九年四月十七帝崩

六十九長曆皇帝 後朱雀治世九年

元年春正月夏四月甲子改元長曆五月沙

門成典賜封戶秋七月冬十月

長曆元年丁巳正月不書即位去歲七月

十四也帝永延第三子諱敦良四月改元

二十一也五月成典封七十五戶此歲當

仁宗景祐三年也

二年春夏六月釋仁海沙門成典為僧正秋

冬

長曆二年六月海典二師為僧正易為姓

海族典與海擢兩感故書姓典丁序選故族

三年春夏五月太皇太后受戒秋冬

長曆三年五月上東門院受戒于僧正明
尊

四年春正月僧正永圓明尊受封戶復秋九
月天皇遷幸東北院冬十有一月壬辰改元
長義

長義元年正月圓尊二師封各七十五戶
遷幸何九月初十京極離宮火大內未成
故幸東北院書邊非法事也十一月改元

初十也

五年春復五月問園城寺戒壇于諸宗秋冬
十有二月轉經于宮中

長義二年五月十四日問二井戒壇立不
事在度受志

六年 長義三年

七年春夏五月釋仁海聽輦車秋冬

長義四年復旱五月初八仁海法事於神
泉苑十三大雨十五許輦車

八年春夏秋冬十月僧正成典寂供一萬沙
門十有一月丙戌改元寬德

寬德元年十月二十七一方比丘供祈道

后病也十一月改元二十八也

九年春正月乙亥天皇崩復秋冬

寬德二年正月十八帝崩

永承皇帝 後冷泉治世三年

元年春正月夏四月甲子改元永承五月僧

正仁海寂秋七月冬十月

永承元年丙戌正月不書即位去歲四月

初十也帝長曆長子諱親仁四月改元十

四也此歲當慶曆六年也

二年 永承二年

三年 永承三年

四年春夏秋冬十有一月獻佛舍利于天下

神祠十有二月沙門真範為僧正

永承四年十一月諸祠舍利各一粒也

五年 永承五年

六年春三月元僕射藤公慶平寺院宮中置
時經會夏秋冬

永承六年三月藤公賴通改宇治別業号
平寺院落之二十八時經會沙門延幸爲
導師齋朝問者幸少於朝而爲導已講也
二時經會何初宮中四時延沙門讀經今茲
設講論故曰時經會書宮中干上婉文也
七年春正月轉經于大極殿夏四月修仁王
會于豐樂院慶讚大品般若經于賀茂神祠

六月轉經于大極殿秋冬

永承七年正月一千沙門讀觀世音經于
大極殿攘疫也今茲疫甚四月仁王會大
品經慶讚四部及六月大極殿一千比丘
讀金剛壽命經皆除疫也

八年春正月壬子改元天喜夏秋冬

天喜元年正月十一改

九年 天喜二年

十年春夏秋冬十月慶圓乘寺

天喜三年十月二十五圓乘寺落慶薦長
曆帝也寺在仁和寺

十有一年天喜四年

十有二年春三月僧正明真明快賜封戶夏
秋冬

天喜五年三月二僧正封各七十五戶
慶崇福寺新成快度法成寺八角堂二賞
也

十有三年春復秋八月辛亥改元康平冬

康平元年八月十三改

十有四年春復秋七月講宸書仁王經冬

康平二年七月初十帝寫仁王護國經延
名德四日啓講席慶暹法師為講師

十有五年康平三年

十有六年春復五月轉仁王經于豐樂院秋
冬

康平四年

十有七年康平五年

十有八年春復六月大僧正明尊寂秋冬十
月慶睿山寶相院十有二月道后慶一乘寺
康平六年十二月上東門院落慶三井一
乘寺道后何猶道皇也

十有九年 康平七年

二十年春二月慶讚金光明經于睿山夏五
月轉大般若經于宮中仁王經于賀茂神祠
孔雀經于神泉苑六月釋成算法事于神泉
苑秋八月己巳改元治曆僧正覺源奔九月

慶讚白檀佛像講宸書妙法華經冬十月天
皇幸法成寺僧正覺圓加天

治曆元年夏旱詔台徒於賀茂神祠所雨
時小蛇出神殿前吐水氣小雨便灑而不
出數里五月二十三神泉苑讀經三日不
雨六月十五日詔成尊修法于神泉苑一
七日第三日雨凡修中三雨八月改元初
二也九月二十五宮中設四日八座講慶
讚宸金書經王及釋迦三尊檀像薦先皇

也十月廿八法成幸復帝預落慶之會
二十有一年春夏秋冬十有一月復慶大宰
府觀世音寺沙門良尊為律師

治曆二年十一月詔大宰府慶觀世音寺
尋常復寺不書為書初觀世音寺火不
空甬索像不壞宰府奏之特旨復慶故書
此歲南京七大寺奏近世不賞三會已講
學業似廢是講徒之大患也因茲官良尊
于律師尊天喜二年講師也尊興廢中選

雖微書焉

二十有二年春復秋八月轉仁王經于天下
國分寺及諸州神祠冬十月天皇幸平等院
治曆三年八月天下諸州仁王會獲災也
十月幸宇治納封三百戶于寺
二十有三年春三月沙門惟信修法于宮中
復四月信師聽牛車庚申天皇崩秋八月轉
寂勝王經于應天門冬

治曆四年四月十帝崩八月初九應天

門轉經所造官也

延久皇帝

後主系治世四年

元年春正月癸亥四月己酉改元延久五月丞相藤公修大藏會于平等院秋七月御厨供菜蔬冬十有二月修仁王會

延久元年己酉正月不書即位去歲七月

二十一日也帝長曆第二子諱尊仁四月改

元十三也五月太師藤賴通修一切經會

至今不絕七月初二詔御厨止羶腥君子

曰昔梁武供菜蔬亦來未聞之矣古所謂

佛心天子者吾皇之謂乎十二月二十仁

王會一代也此歲當神宗熙寧二年也

二年春三月大僧正明使寂夏秋冬十有一

月獻佛舍利于天下神祠十有二月慶圓宗

寺天皇幸之

延久二年十二月二十六圓宗寺成帝幸

寺親營法事落慶之寺在仁和寺南莊麗

冠都下

三年春正月轉經于尚書省夏六月設大會
千圓宗寺天皇幸之秋七月僧正長信賜封
戶冬

延久三年正月十六延一千沙門讀觀世
音經除疫也長信之封二十五戶
四年春夏秋九月僧正長信寂冬十月置法
華經會千圓宗寺天皇幸之十有二月供一
萬沙門壬午天皇禪位天皇太子
延久四年十月二十五帝預圓宗寺法毒

會三井賴增為講師興福賴真問因明義
增不荅真曰已當朝選何久博以增曰非
家學也況因明唯是破外執不言勝義諦
雜學駁論勝負云乎君子曰有得有失也
十二月初八讓位太子

玉承保皇帝 皇治世十四年

元年春正月改元承保三月僧正行觀寂夏
五月太上皇祝髮秋七月冬十月

承保元年癸巳正月不書即位去歲十一

月二十九也七十八帝延久長子諱貞仁舊史延
久六年甲寅八月二十三改元延久之五
連帝之初年也今以癸巳正月立元者寬
平之例也此歲當熙寧六年也宋神宗

二年春二月沙門惟信受封戶性復五月僧正
靜圓寂秋冬十有二月沙門勝範賴信為僧
正

承保二年二月性信之封二十五戶

三年春復四月留宋沙門成壽獻方物秋八

月釋性信祈日食冬

承保三年四月成壽闍梨獻方物宜有司

議納不八月朔日有食之信公祈有應乃

上仁和寺北院為官寺信公居也

四年春夏六月慶睿山金剛壽院秋冬

承保四年六月金剛壽院落先朝所創至

此而成

五年春夏秋冬十有一月甲子改元承曆十

有二月慶法勝寺天皇幸之

承曆元年十一月改元十七也十二月十
五八帝幸慶法勝寺
六年春夏秋冬十月修大棄會于法勝寺天
皇幸之

承曆二年十月初六於法勝寺創大棄會
沙門暹敷為講師帝勅曰圓宗寺法華會
與此合為二會自今經二會講師當任僧
綱
七年春復五月沙門義範修孔雀經法秋冬

十月天皇幸法成寺十有一月慶金峯山塔
承曆三年皇后姓焉五月二十七詔義範
加護範修孔雀明王法逾期無產範行散
事七月初九皇子平誕寬治帝是也散後
六日世猶言範効十月法成之幸慶二塔
之復也

八年

承曆四年

九年春二月丁卯改元永保三月停興福公
範寺勢復六月台徒燒園城寺秋冬十月僧

都禎範如字佐

永保元年二月改元初十也三月初五山
階寺衆燒多武拳寺始多武之奴打興福
奴興福之衆怒帥師入山焚院宇時公範
爲主勢朝廷誅其亂統故止寺務六月初
九睿山衆燒二井寺初正月山奴辱寺奴
二奴皆大津之民分爲延曆園城戶籍寺
奴訟辱于山衆山衆不納郊告寺衆寺衆
曰自今莫爲山役至四月比睿神社民戶

不供山役朝廷誘寺衆不聽於是山衆大
怒發師向二井寺衆嚴兵而待山衆不交
鋒而煩師至此大發兵入三井此回寺衆
不支山衆縱火堂宇皆灰救字佐神宮建
塔十月成二十四詔禎範爲慶讚師尋常
僧都不書曷爲書褒範之應朝選時爲僧
都故書官貴之曷爲不書釋釋未也
十年春二月修寂勝會于圓宗寺夏秋七月
僧正信覺延修法學

永保二年二月十九日圓宗寺寂勝會明實
十為講師教合前二會新立三會七月二十
八信覺修孔雀經法祈雨七日不雨覺奏
延修二七初仁和之性信有傳持孔雀經
覺借經置壇上修後七弟三日八月七
兩降聽輦車馬為不書覺之効雜也
十有一年春二月沙門性信為特進夏秋冬
十月慶法勝寺層塔天皇幸之
永保三年二月仁和寺性信叙二品僧位

自信始十月初一法勝塔成座主良真慶
導尋常書塔無層今何書簡也曷為簡法
勝之塔其層九級皇城無比故書層具簡
也

十有二年春二月丙子改元應德夏秋九月
僧正信覺寂冬
應德元年二月七日改
十有三年春夏五月天皇受妙法華經千沙
門增譽秋九月釋性信寂冬

應德二年五月初十帝召增譽於内寢受
法華

十有四年春夏秋冬十有一月庚辰天皇禪
位于皇太子

應德三年十一月讓位二十六也

元亨釋書卷第二十五

元亨釋書卷第二十六

濟北沙門 師鍊 撰

資治表七

起寬治皇帝
曆合十二君

十三
寬治皇帝 堀河院治世五年

元年春正月夏四月戊子改元寬治秋七月
冬十月

寬治元年丁卯正月不書即位去歲十二

月十九也帝承保弟二子諱善仁四月改
元初七也此歲當捨宗元祐二年也
二年春二月太上皇幸高野山夏秋冬十月
幸睿山

寬治二年二月上皇幸高野取路南都禮
東大興福寺佛二十七入金剛峯以布帛
賜寺衆宣僧都隆明啓白緇素傾聽又勅
僧都寬意開弘法影堂作禮供養

三年春復五月太^甲上皇宿睿山秋冬十月藤
相國詣長谷寺十有一月藤僕射師通詣近
州彦根山十有二月太上皇幸彦根山

寬治三年五月上皇在^三中堂一十七日十月
相國藤公慶長谷寺丈六四天王木像十
一月僕射藤師通頃年目不^エ聰聞彦根山
觀自在靈感入山祈之自此殆聞關鐵十
二月上皇聞僕射之靈應幸山又得感應

四年春夏秋冬十月天皇幸清水寺

寬治四年帝宿清水寺一七日

五年春二月太上天皇幸高野山夏五月大僧

正覺圓賜上首秋冬

寬治五年五月大僧正覺圓解印勅曰退

位且隨之然官會不言復膺猶當居大僧

正之上首

六年春夏秋七月太上天皇幸金峯山冬

寬治六年七月上皇幸金峰勅僧正隆命

慶讚宸書金字妙法華經及五部大乘經

因而施百袈裟千百沙門

七年

寬治七年

八年春夏秋冬十有二月壬午改元嘉保

嘉保元年十二月十五改

九年春夏秋八月僧正隆命賜封戶冬十有

一月賜御車

嘉保二年八月帝瘧隆命加愈賞封戶十

一月帝疾又加愈聽輦車帝賜御車賀拜

之日乘之

十年春正月釋經範奏修觀音供于清涼殿
夏秋八月太上皇祝髮冬十月受沙弥戒十
有二月辛酉改元永長

永長元年正月初承曆四年二月大内火
仁壽殿觀音供絕寬治六年僧都經範奏
法事之絕帝宣給事中成宗曰此供曩修
仁壽殿今殿未成何修之有範對曰昔我
祖弘法大師奏置此供亦時仁壽為常殿

故修于仁壽近世清涼為常殿仁壽雖未
成清涼為宜何以故當近帝居而修此供
因是而言假令仁壽成未如清涼之近密
矣給事復奏帝以範言為然至此修于清
涼于今不絕俗曰二間供尋常此供不書
今何書又定賢奉勅修此供曷為書範範
有四德故書復法事一也明故事二也辯
識三也功成不居四也功成不居何帝令
範修于清涼範舉同門定賢換也曷為換

賢賢長於範也書奏見換也八月上皇出家十月受沙弥戒干隆令十二月改元十七也

十有一年春復秋冬十有一月辛未改元承德

承德元年十一月二十一改
十有二年春復四月大僧正覺圓寂秋七月天皇幸法勝寺拜佛冬
承德二年七月二十一帝幸法勝寺禮佛

幸拜常也曷為書褒也曷為褒法勝者太上皇承命于延依三本而所建也祝贊皇祚輔翼帝業皆是也辟新主即位先謁廟堂法勝之寺鎮護之宇新主之拜猶如彼褒帝之承先志故書然何暮士庶暮王者不暮十有三年春正月沙門覺行為親王復秋八月戊戌改元原和冬

康和元年正月仁和寺覺行冊親王行承保之子皇子出家後為親王自行始俗曰

法親王八月改元二十八也

十有四年 康和二年

十有五年 康和三年

十有六年 春夏秋七月慶尊勝寺天皇幸之

沙門覺行為特進八月戊子道后歡子崩冬

康和四年七月二十一尊勝寺成帝幸慶

之覺行之特進開眼導師賞也

十有七年 春夏秋七月慶讚大藏經于法勝

寺冬

康和五年七月十三慶大藏經金書也

十有八年 春二月甲寅改元長治三月尊勝

寺灌頂院成天皇幸之夏四月大僧正隆命

命聽牛車秋八月講宸書法華于宮中九月

大僧正隆命寂

長治元年二月改元初十也三月二十四

構灌頂院于尊勝寺修結緣灌頂仁和之

覺行為大阿闍梨四月隆命牛車依加上

皇疾也八月宸書妙經啓八講席

十有九年春二月修八講干鳥羽宮復六月
大僧正增譽聽牛車秋冬

長治二年六月增譽牛車依加帝疾也

二十年春復四月庚午改元嘉承秋冬

嘉承元年四月初九改

二十有一年春夏秋七月癸卯天皇崩冬

嘉承二年七月十九帝崩

天仁皇帝

鳥羽治世の年

元年春正月夏四月秋八月甲辰改元天仁

冬十月

天仁元年戊子正月不書即位去歲十二

月初一也帝寬治長子諱宗仁八月改元

二十七日也此歲當徽宗大觀二年也

二年春正月沙門範俊為僧正復秋冬

天仁二年

三年春夏五月慶讚大藏經于法勝寺天皇

幸之秋七月庚戌改元天永冬

天永元年五月十一上皇慶金書大藏於

法勝寺帝預焉七月改元十三也

四年春夏五月置三十講于法勝寺秋冬

天永二年五月法勝寺三十講二十一也

五年春夏四月僧正範俊寂秋冬

天永三年

六年春復四月追興福衆群秋七月己巳改

元永久冬

永久元年四月春山與興福爭相徒法相悉寺

入都朝近訝其多衆遣官使諭歸南衆不

昔與官使交鋒不書戰痛也七月改元十
一也

七年 永久二年

八年 永久三年

九年春復五月沙門行算為僧正秋冬

永久四年

十年 永久五年

十有一年春夏四月丙辰改元元永秋九月

太上皇慶讚大藏經于熊野神祠冬十有二

月慶寂勝寺天皇幸之

元永元年四月四改九月初七太^上皇幸

熊野山慶大藏上皇幸熊野已三回至此

有是慶十二月十七寂勝寺成帝從六宮

百司幸慶

十有二年

元永二年

十有三年春夏四月庚辰改元保安秋冬

保安元年四月十改

十有四年春夏秋冬十有一月左僕射源俊

後中書王嫡孫也具平親王

房薨

保安二年閏五月初二台徒燒園城不書

繁也公卿之薨多曷為書源公深我也

十有五年春夏秋冬十有二月置灌頂院干

寂勝寺

保安三年十二月十五慶寂勝寺灌頂院

十有六年春正月壬午天皇禪位于皇太子

復秋冬

保安四年正月二十八禪位

七十五
天治皇帝 崇徳院治世十八年

元年春正月夏四月庚戌改元天治秋七月
冬十月太上皇幸高野山

天治元年甲辰正月不書即位去歲二月
十九也立子帝天仁鳥羽長子諱顯仁四月改元初
三也此歲當宣和六年也

二年春正月大僧正寬助寂復五月僧正行
尊加大秋七月聽牛車冬天下放生
天治二年

三年春正月戊子改元大治復秋冬

大治元年正月二十二改

四年春正月沙門覺行爲儀同三司夏秋冬
十月兩太上皇幸高野山

大治二年正月覺行儀同太后寶塔慶讚
賞也十月兩上皇承保天仁也

五年春三月慶圓勝寺夏秋冬十月慶讚大
藏經于石清水太上皇幸之

大治三年三月圓勝寺慶十三也十月六

藏慶二十一也

六年春復秋冬十有一月停興福玄覺主務

大治四年十一月玄覺停務依衆擾也

七年春夏秋冬十月慶法金剛院

大治五年十月二十五法金剛院慶道覺

行也

八年春二月丙申改元天承復秋七月置八

講于法勝寺冬

天承元年二月二十九改七月法勝八講

薦承保帝國忌也

九年春三月慶得長壽院復秋八月戊戌改

元長承冬十月慶寶莊嚴院天皇幸之太上

皇幸高野山

長承元年三月得長壽院慶十三也八月

改元十一也十月寶莊嚴院慶初七也

十年

長承二年

十有一年春二月太上皇慶讚大藏經干法

勝寺

長承三年二月大藏經金書也常事不書
曷為屢慶藏功大也

十有二年春二月大僧正行算寂夏四月庚
午改元保延秋冬

保延元年四月二十七改

十有三年春三月慶勝光明院天皇幸之復
秋冬

保延二年三月二十三慶鳥羽勝光明院
導師忠尋咒願覺猷帝及太_{鳥羽}上皇六宮百

司皆預會

十有四年春正月沙門定海為僧正二月沙

門玄覺為僧正復秋冬十月慶安樂壽院

保延三年春海覺二僧正出焉近世僧正
不書曷為二月二書異例也凡僧正有正

權正只一貞二師皆正故書曷為二正國
家皇子或自胎孕或潛薄咸以沙門神異
者祝祚及龍飛受大賞号曰御持僧海為
帝御持正月為正覺為權在海前及海起

正興福寺衆七千人入京訟海超授因茲
二月覺爲正時有兩正南衆奏奪海復一
正朝廷不許優海之功也正真爲二自覺
始十月十九鳥羽安樂壽院寶行爲慶尊
聽牛車
十有五年春三月秬雨千鳥羽宮夏秋九月
太上皇宿睿山冬十月大僧正忠尋寂十有
一月僧正定海加大
保延四年二月二十三、四條離宮火二十

四二條宮火因茲三月十五詔定海修乳
雀經法于鳥羽宮十九朝天雨秬其色黑
時爲法効七月初十他中生一莖雙華蓮
又爲法効不書史失修者也九月二十六
上皇宿中堂二十七日十一月定海爲大僧
正醍醐徒海爲初
十有六年春夏秋冬十月慶成勝寺天皇幸
之
保延五年十月二十六成勝寺落

十有七年春夏秋冬

保延六年閏五月二十五台徒燒三井

十有八年春二月慶歡喜光院三月太上皇

祝髮夏秋七月丙午改元永治冬十有二月

辛未天皇禪位於皇太弟

永治元年二月二十一歡喜光院落三月

初十上皇出家法諱空覺受戒僧正信詮

七月改元初十也十二月讓位初七也

五十六 康治皇帝 近衛院治世十四年

元年春正月復四月僧正信詮寂辛卯改元

康治秋七月冬十月

康治元年壬戌正月不書即位去歲十二

月二十七也之六ナリ帝天仁弟六子諱體仁四月

改元二十八也此歲當高宗紹興十二年

也

二年春夏五月天仁鳥羽太上皇受戒于東大寺

于睿山秋八月慶金剛勝院冬十月道皇次

睿山

康治二年五月十一上皇受戒東大寺十
二受戒台山八月初六金剛勝院落導師
覺與十月初三皇上次中堂次宿何異次
近宿又

三年春二月己亥改元天養夏秋冬

天養元年二月十八改

四年春夏六月修仁王會百座干得長壽院
秋七月乙巳改元久安冬

久安元年七月二十一改

五年

久安二年

六年春夏六月道皇幸睿山秋八月慶弥陀
像干鳥羽宮冬

久安三年六月十七天^{鳥羽}仁天^{崇徳}治二上皇幸

台山召座主行玄修七佛藥師法八月十

一營佛宇于鳥羽宮安弥陀九像慶之

七年春夏四月大僧正定海寂六月講宸書

法華經干鳥羽宮秋七月道皇幸法性寺冬

久安四年六月十六延名徳于鳥羽講上

皇親書經王七月十七上皇幸法性寺常
行不書為為書藤丞相於法性寺延一百
沙門慶新宇上皇預會褒君臣趨法事也
八年春三月慶延勝寺天皇幸之復秋冬
又安五年三月二十延勝寺成皇帝上皇
從百僚幸慶導師行慶
九年 又安六年
十年春正月戊戌改元仁平復秋冬
仁平元年正月二十六改

十有一年春二月僧都覺任寂夏秋冬
仁平二年三月初一覺任逝小官不書曷
為書褒也曷為褒宮修多也幾許修法一
萬日唱導六千座故書
十有二年春二月慶讚大藏經于熊野山夏
秋冬
仁平三年二月金書大藏慶者十四也
十有三年春夏秋八月慶金剛心院壬寅改
元久壽冬

天_一久壽元年八月初九慶金剛心院改元二
十_一十一也
十有四年春復秋七月戊辰天皇崩冬
久壽二年七月之崩二十三也

七十一保元皇帝 後白河院治世三年

元年春正月復四月戊戌改元保元秋七月
天_一仁道皇崩冬十月
保元元年丙子正月不書即位去歲十月
二十_一十六也帝天_一仁弟四子諱雅仁四月改

元二十七也此歲當紹興_{宋高宗}二十六年也

二年 保元二年

三年春正月天皇幸法勝寺復秋八月戊戌
天皇禪位于皇太子冬

保元三年八月十一之讓位也

七十九平治皇帝 平治院治世七年

元年春正月復四月甲辰改元平治秋七月
冬十月

平治元年己卯正月不書即位去歲十二

月初一也百高帝保元長子諱守仁四月改元
二十也此歲當紹興宋高宗二十九年也

二年春正月己巳改元永曆二月皇太后落
髮ス復秋冬

永曆元年正月十改二月十七上西門院
出家ス干法金剛院

三年春夏秋九月甲戌改元應保冬
應保元年九月初五改

四年 應保二年

五年春三月庚申改元長寬夏秋冬

長寬二年元三月二十九改六月初九台徒
燒二井

六年春夏秋冬十月東大寺修萬僧會十有
二月太上皇慶蓮華王院

長寬二年二月二十二興福寺衆於東大
寺會二方沙門讀壽命經祝聖也十二月
蓮華王院之慶二十二也導師尋範

七年春夏四月太上皇宿睿山六月壬午改

元永万醴泉出千蓮華王院壬寅天皇禪位
于皇太子秋冬

永万元年四月二十三上皇宿台山一十七
日六月改元初五也七日醴泉涌蓮華王
院西砌今尚為甘井讓位者二十五也

仁安皇帝 永泰院治世三年

元年春正月復四月秋八月戊戌改元仁安
冬十月

仁安元年丙戌正月不書即位去歲七月

二十六也帝平治長子諱順仁八月改元

二十七也此歲當孝宗乾道二年也

二年春復秋冬十月沙門明雲為僧正

仁安二年

三年春二月壬子天皇禪位于皇太叔復秋
冬

仁安三年二月十九讓位

嘉應皇帝 高倉院治世十二年

元年春三月保元太上天皇幸高野山夏四月

甲午改元嘉應六月太^六上皇祝髮秋七月冬
十月

嘉應元年己巳正月不^六書即位去歲三月
二十三也帝保元第三子諱憲仁四月改
元初八也六月初七上皇出家法諱行真
大僧正覺忠為戒師此歲當乾道五年也
二年春夏四月太^上皇受戒于東大寺秋冬
嘉應二年四月上皇受戒二十一也
三年春夏四月乙巳改元承安秋九月停七

大寺讓受冬

承安元年四月二十一改九日止七大寺
師資讓受依興福寺衆請也

四年春三月沙門公顯為僧正復秋冬十月
平^{大及大臣}太師清盛營法華道場

承安二年十月十五平太師營道場于福
原修法華法道^六皇為大阿闍梨

五年春夏秋冬十月慶嚴勝光院天皇幸之
承安三年十月二十一皇母建春門院慶

寂勝光院帝預會 六年 承安四年

七年春夏秋七月丁未改元安元冬

安元元年七月二十八改

八年春復四月道皇受戒于睿山秋冬

安元二年四月二十七上皇受戒延曆末

九年春夏五月僧正明雲配豆州六月賜赦

秋八月辛未改元治承冬十有二月天皇幸

蓮華王院

治承元年加州刺史師高其吏與台徒之

在郡者有爭吏治掠酷其徒訟台山台衆

奏謫師高官判緩之台衆喧訴師高之父

奏曰明雲為地時雲為座主實不然上皇

怒編管豆州五月雲發至近江台衆議曰

雲公無罪只是加州之讒耳又失雲公無

咎受譴豈非貽吾台獄之耻乎我等赴湖

濱當奪而歸台衆恐事不就詣山王神祠

告志且曰神若容議願見感異時一童子

狂呼曰我是明神也我又患雲師之窟喜

大衆之議耳於是乎者宿五百餘人擲所持念珠于神前曰若所託不虛還珠於各主童子便撥散珠一一付之不有差悞因此台衆逐至粟津奪而歸台衆自山上接粟津帝又聞雲之無罪六月賜赦八月改元初四也十二月上皇慶蓮華王院塔帝幸之

十年 治承二年 十有一年 治承三年

十有二年春二月癸卯天皇禪位于皇太子
復六月遷都于攝州福原秋冬十有一月辛
未復都十有二月大師清盛燒南寺

治承四年二月讓位二十一也六月初二
平太師奉幼主遷都睿山大衆捧狀奏新
舊二京利害凡十七條褒舊貶新因此十
一月二十三翠華至自福原六月遷都曷
為不日都城不成也寶字四年之遷逾歲
曷為不日雖逾歲不成同初以仁皇子與

源光祿三益賴政謀伐平清盛太師事發亡入三井寺寺衆通書南京興福勸力助義南寺許五月皇子以三井地狹赴南京太師發官軍二方追擊皇子皇子薨路南衆疾太師挾幼主而行虐屢鼓弄太師太師大怒又發官師討南衆南衆不降官師放火東大興福遭延燎而燼書名去姓罪之也賴政謀太師我輩助義有道乎君子曰楚失也齋未為得矣我輩聞命矣太師酷虐源公

誅之何不得之有君子曰不善謀將之罪也

上養和皇帝 安徳治世三年

元年春正月夏四月秋七月戊子改元養和冬十月

養和元年辛巳正月不書即位去歲三月二十二六一也帝嘉應長子諱言仁七月改元十四也此歲當傳熙八年也二年春夏四月丁卯改元壽永秋冬

壽永元年四月二十七改

三年春復秋七月丙戌天皇如西州冬

壽永二年七月二十四平族奉帝出都

八十一元曆皇帝

後鳥羽治世十五年

元年春正月夏四月甲戌改元元曆秋七月

冬十月

元曆元年甲辰正月不書即位去歲七月

二十六也七十一帝嘉應弟四子諱尊成四月改

元十六也此歲當淳熙十一年也

二年春復秋八月甲子改元文治冬

文治元年八月十四改

三年 文治二年

四年春夏秋八月道皇后白河灌頂于天王寺

文治三年八月二十二上皇從僧正公顯

灌頂

五年 文治四年

六年 文治五年

七年春復四月丁酉改元建久秋冬

建义元年四月十四改

八年春复秋冬

建义二年夏沙門榮西至自宋不書不奉

詔也

九年建义三年

十年建义四年

十有一年建义五年

十有二年春三月復慶東大寺天皇幸之夏

秋冬問沙門榮西干相府藤相回ヤ

建义六年三月十二東大寺復先十一帝

從百僚幸南京源將軍賴朝嚴兵衛導師

僧正覺憲咒願僧正勝憲常復不書曷為

書大役也去歲興福之復亦大役也曷為

不書君臣之異也此歲榮西辯相府言在

傳中五日夏四月

十有三年建义七年

十有四年建义八年

十有五年春正月己酉天皇禪位于皇太子

復秋冬

建久九年正月十一讓位

今十三正治皇帝 李御門治世十二年

元年春正月夏四月戊子改元正治秋七月冬十月

正治元年己未正月不書即位去歲三月

三也帝右皇弟元曆長子諱為仁四月改元二十

一也此歲當寧宗慶元五年也

二年 正治二年

三年春二月甲午改元建仁復秋冬

建仁元年二月十三改

四年春復六月置台密禪于建仁禪寺秋冬

建仁二年六月尚書省劄賜沙門榮西置

三宗建仁寺教授學者

五年 建仁三年

六年春二月甲寅改元元久夏秋冬

元久元年二月二十改

七年春三月監造建仁禪寺夏秋冬

元久二年京畿風流言集榮西榮西辯折
明切因是建仁為官寺得監造事在傳中
八年春復四月戊寅改元建永秋冬

建永元年四月二十七改

九年春夏秋冬十月丁卯改元承元

承元元年十二月二十五改

十年 承元二年

十有一年 承元三年

十有二年春夏秋冬十有一月巳酉天皇禪

位千皇太弟

承元四年十一月二十五讓位

今の建曆皇帝 順德院治世十二年

元年春三月辛酉改元建曆復四月秋七月
冬十月

建曆元年辛未正月不書即位去歲十二

月二十八也帝元曆第三子諱守成三月

改元初九也此歲春沙門俊苾至自宋不

書不奉詔也當嘉定四年也

二年 建曆二年

三年春夏秋冬十有二月壬寅改元建保

建保元年十二月初六改

四年春夏秋冬

建保二年四月十六台徒燒園城

五年春夏秋七月壬戌中使問釋榮西寂冬

建保三年六月晦西公語眾曰孟秋初五

我當行都下喧傳帝聞之七月五遣中使

問之西對官使曰然然西無恙中使歸未

入宮西寂

六年 建保四年

七年 建保五年

八年 建保六年

九年春夏四月丁巳改元承久秋冬

承久元年四月十二改

十年 承久二年

十有一年春夏四月甲戌天皇禪皇太子懷

成秋冬

承久三年四月二十太子受讓島為不書
位六月東兵陷都七月初九廢之無即位
儀受禪不父而廢不列皇圖故書名右位十二年

元亨釋書卷第二十六

承久三年四月二十太子受讓島為不書
位六月東兵陷都七月初九廢之無即位
儀受禪不父而廢不列皇圖故書名右位十二年

元亨釋書卷第二十七

濟北沙門日師棟撰

志一

學修

度受

諸宗

會儀

封職

學修志一

竺乾古皇先生之設學也其要三焉曰戒焉

曰定焉曰慧焉戒之爲言也制心矣定之爲
言也靜心矣慧之爲言也明心矣三之者皆
心也故學即心也心即學也心之與學未始
間隔八方之異途自是而出焉三之者各有
事理生養之異而其歸一也何曰事文字之
謂矣何曰理法義之謂矣何曰生聽習之謂
矣何曰養思練之謂矣學又曰修修者密也
學者麤也修者延也學者促也雖延促庸密

之異咸學也三世之聖人自是而出焉世之
言教者指羅漢以爲無學者爲未竭耳矣吾
曰等覺亦有學也何也羅漢之者究事生故
世曰無學未極理養故吾爲有學焉既究
促故世曰無學未極延密故吾爲有學焉以
是視之學學之無也非修學之無矣以修學
而言十地皆未竭故吾曰等覺亦有學也何
也理弗窮故養弗充故密弗通故延弗終故
我唯以佛地爲無學其阿羅呵阿羅漢梵音

有異者是也。凡厥心之有為，皆學修也。心之無為，始為無學也。然則世之所謂有為者，非吾之所謂有為矣。世之所謂無為者，非吾之所謂無為矣。有學之與無學，皆是也。或曰：生知不學者，不也。我古皇能仁氏，生知之大者也。猶有之矣。問書、選友、聞定、阿蘭、及窮、餓、麻、麥、六載、雪山、蓋、貽、學、修、干、吾、人、也。其布教鹿苑、祇樹也。法句之誦、習頭陀之薰、練咸學修。

也。降而逮四日，四依靡不從事於斯矣。東漸支那，亦皆是也。羅什入關，三千負笈，慧遠在廬，十八結社。又夫釋氏之為學修者，禪門尤為朴略焉。豈直指單傳之法格乎。然古之人尚曰：學坐禪，學坐佛。又曰：修證非無染汗，不得是學修而醇質者也。又講有義龍律虎禪，有折床枯木，皆優稱也。我本朝則二域可謂季孟之間矣。北嶺撰註記之署，南京立得業之名，珠頭瓜熟而相識成仁，眼麻昧而性具。

明皆勵學修之精也加之光定之宮度見弘
仁增命之難選在祇衛皇王之崇勸為不輕
耳詳載本傳此不繁焉今只舉三國勤業之
端由為一代設化之標式以蔽四眾之省察
凡踵釋門之士未有外茲而入者矣嗚呼吾
黨之人勗之乎哉

度受志二

實相無相也豈云形質乎無相實相也不礙
形質矣頭而禿衣而褐法而戒令而律是釋

門之表帥也先佛有菩薩聲聞二僧只吾釋
迦法中聲聞僧一而已故文殊彌勒之高德
也猶混聲聞眾蓋濁世之人尚儀相也諸大
弟子如陳如身子之儔佛言善來鬚髮自除
袈裟著體逮于慶喜以寶刀剃髮乃得白由
羯磨具足戒自茲比丘之度儀備矣尼者大
愛道啓端也而敬有八焉戒亦倍焉並為世
之福田又有優婆塞優婆夷此云清信男女
也頻婆娑波斯匿君之清信者也護國給孤

臣之清信者也。夫利勝鬪夫人之清信者也。庵羅須曼處女之清信者也。是吾佛四部之衆也。如來成道十年，樓至菩薩請築壇爲比丘受戒。佛於祇園外院東南建壇，是印度之廣度也。後漢三十四年明帝永平十年，佛法傳漢。十四年，司空劉峻後宮陰夫人等出家，是支那之度始也。然唯受三歸而已。魏正元元年曇摩迦羅在洛陽立具足戒羯磨。宋士行爲受戒之始。東晉建元元年，尼淨檢於本法得戒。南宋元嘉元目天帝年

十一年，求那跋摩於南林寺建戒壇爲僧尼受戒，是震且戒壇之始也。李唐中宗景龍初詔天下試經，度僧山陰大義誦法華中第一自爾，或五百紙或百五十紙，經目不定。隨時改變。李唐中宗肅宗遭安史之亂，國用罄至德始宰相裴冕請鬻度牒，謂之香水錢。納百緡得度，度科大墮。富情之氏並鑣而爭馳，貧進之士繫梃而倦。遲其後，暫止即起。至趙宋而益滋。代宗勅大興善寺建方等戒壇，由此大乘戒壇

起焉唐三十四目穆宗置泗州敬宗立兩街宣宗救上都唐七十四目
荆揚印益築之皆大乘壇也又穆宗長慶元
年幽州節度使劉總上表出家帝不許總以
印付留後自剃髮為僧以私弟為寺帝從其
志賜大覺師号及僧臘五十五宋梁太祖代梁太祖開
平四年吳越錢鏐幼子令因為僧救賜無相
大師加三十臘本朝之度始於司馬氏男多
源奈名德齊女島鄉為尼名善信天平七年
唐道璿來善戒法大安寺行表年七十三臘

五十二就璿重受天平勝寶六年鑑真人朝
於東大寺建戒壇旧僧靈福等八十人重受
新票其夥天平寶字六年救西觀音東藥師
二寺築戒壇度受博焉延曆二十五年置年
度科條弘仁十年最澄法師上表乞睿山大
乘戒壇十四年義真始行羯磨長曆之間慈
覺智證兩徒爭軋園域沙彌不得昇睿壇三
井明尊奏請戒壇干園城長後未准又二年五月救
尚書左丞藤經輔宣問園城戒壇立否於我

時法相之首經救三論之長濟慶華嚴之英
良真律之師灌相密之主深覺咸奉表贊許
唯台徒固執不允承行後承保帝宣禮部尚書
源隆俊賜綸綍於園城建戒壇而臨行法事
台徒燬撤九十六年至今不成元應之火攻我親視之
可謂下策矣所以歲當末後之五百時逢乖
爭之堅固乎夫度有二焉內外也皆以戒為
標蕪染於形戒律於心內度也初二也無蕪
染而受戒外度也後二也曰古之言度者前

二而已今并四衆何亦後二未出塵累為度
之有哉曰梵語彼羅蜜此云到彼岸到彼岸
者度也踰生死流到涅槃岸之謂也亦菩薩
戒不言蕪剃而豈不至涅槃哉吾佛何以曰
戒波羅蜜邪亦那舍父唯受三歸亦稱優婆
塞或五戒或菩薩戒通為精信蓋在家之稱
也以小律儀言度前二也以摩訶衍而言後
二亦度也而我分內外不得不判焉此方之
度潔白精密案延曆詔十義通五非震且誦

經之比矣。李唐香水之緡，趙宋清閑之緡，所未嘗聞也。安慧經業醇深，而賜度隆海，問難拔萃而中第，中葉以降，學業冗散，度選弛緩，多孥之族，出稚雛而補家產，宴約之民，放丁壯而貪寺供，或草賤迫捕逮而來投，或孽子漏舉收而寄歸，佩刀而互刺，褻服而不染，是等之類，吾法亡矣。戒又四家二通二別，初天下置戒壇三所，筑之觀世音寺，西州民稟焉，野之藥師寺，東州民稟焉，和之東大寺，中州

民稟焉，皆天平之間，建焉。及睿壇興，野壇衰，園城壇未就，正今又只三壇而已。三壇通也，又有三摩耶戒，禪門戒二戒，禪密各別授，不屬沈傳矣。然一家徒盛，二戒隨行，不為不傳焉。又壇戒多弊，動不時不期焉。有常和上恒闍梨哉，孱弱離道頭，顧圓青右繞，未充三匝，左語已數十聲，持犯何開，遶何聚，如雲散如星，國政雖清，度門雖闊，我徒不競，君子大息，安得返誦經問義之古制，我黨復精業而省

監則乎至唐穆宗長慶開平之竊臘漫号者不唯班
真軌而甚圯世綱夫王者之動必率禮矣苟
任私欲何所不至之有故先聖制禮則之彼
唐梁之二主只知寵其臣而不知率其禮矣
梵網曰不問老少國王奴婢先受戒者在
前坐後受者次第而坐二主不委盍問我焉知
而不問與不知不問而行之者皆非禮矣况
吾道有軌何不問我老農老圃古之人皆問
之乎哉總因二子辭富貴而投我者善矣惜

乎受竊漫而不遜也昔周襄王弟叔帶與戎
翟謀伐襄王齊桓公使管仲平戎于周襄王
大悅以上卿禮管仲辭曰臣賤有司也有
天子之二守國高在若節春秋來承王命何
以禮焉陪臣敢辭王曰舅氏余嘉乃勲母送
朕命仲卒受下卿之禮而還仲可謂知禮矣
二子曷不若仲乎曰仲尼曰管氏而知禮孰
不知禮子之言恐戾與曰彼一時也此一時
也孔子亦曰微管仲吾失彼髮左衽矣管仲

豈可竟捐乎上之所舉者三國之始種也我
繫年之者備資治表矣今揭三朝度戒之緒
示四部受化所從庶幾學者原始要終若夫
竭磨之法諸家各有軌則存其人焉

諸宗志三

楞伽曰一切法不生菩薩摩訶薩不應立是
宗然者如來在世已有宗分者明矣滅後瓜
裂矣小乘早折十八部焉摩訶衍亦有之馬
鳴龍勝立法性焉護法清辯爭空有焉其支

派不勝紀矣至霜且則空相播南北朝禪性
盛東西京斯方有十宗皆自茲支帶將來也
禪聞印度宗教殘缺霜且又或不全唯我本
朝歷世崇奉其間興衰者理之常也耳而未
嘗泯沒矣今撮綱要列于後焉

三論者諸法蕩滌之深理也采中百門智之
微言抽龍樹提婆之玄旨排成實而立妙義
建法性而演真空談二諦者包群機也說八
不者顯一性也羅什之所祖述生肇之所宣

傳熾于陳隋衰于唐宋我本朝華嚴論唱始
矣智藏系授長矣為兩土之先馳啓四衆之
初聽近世不絕如帶庶幾見整類綱
唯識者諸法建立之精致也昔慈氏大士微
塵劫前所承稟矣世親無著夜昇都史而聽
書降闍浮而說以三時代一括以三性含万
法援瑜伽師地而脩飾使因明正理而潤色
談識智之轉成而精粹矣分業報之造受而
備足矣戒賢忍疾而待那爛玄奘忘苦而受

天竺慈恩弘於彼唐道昭傳於吾國昉教以
降支派流溢方今南京之地人神幽贊益熾
講習云

律者比丘儀相之嘉範也初世尊在鹿苑也
號令四衆肅清三業婁被彈呵終聞開顯如
來深悲猶慮未來乘急戒緩之蕩於堅林之
夕扶律而談常蓋五濁之機宜三學之階漸
也滅後優婆離集律藏而下一點師師相付
至備伽跋陀羅衆聖點記出於弘度矣而唐

南山宣師遠取西天曇無德前魏曇摩迦羅
為祖深明持犯盛行毗尼故不同一紀三藏
之偏學也是以經行道陞足跌天人扶持營
立戒壇手築梵僧稱養戒業行事之疏鈔懺
悔教誡之儀文靡不輔翼大道焉勝寶之間
鑑真來朝一摸脫印自此此土此宗昌矣其
後或微或興天下今不乏其學

一藏四法界以攝群機雖設因修專說果德
一四之理窮性命十十之數表極圓諸林舌
端毗盧性海袞袞善財脚下普賢毛剎塵塵
指舍利滿慈以為瘞聾者境界異根也取童
子婦人以為知識者凡聖一性也非天下之
至大至廣其孰能與於此哉我本朝慈訓審
祥親受賢首至良辨而大振今之言雜華者
皆承干辨焉
天台者如來後融之妙旨也慧文神悟憲章

龍樹智者倡之章安輯之二威緘默而守荆
溪駕說而行其主也為本為迹其訓也為權
為實其統也為圓為一其分也為具為變取
三諦于中論而證瓔珞始五時于華嚴而成
涅槃立觀者列十境發行者羅十乘彌綸万
法者八教也錯綜十界者六即也一界各具
十界而百界生焉十如互含百界而千如成
焉配三世間為三千法分而成三千復而歸
一念即復而分即分而復一心之於三觀也

亦復如是非天下之至精至微其孰能與於
此哉最澄法師應乃祖之懸記全受而歸根
殖睿嶽覆蕪寰區孫枝挺出補撐教門初會
昌之毀黜台文散失五代攘奪殘闕未復義
奔師求遺文於高麗及我高麗先送其書猶
不備長保二年宋咸平三寂照法師將信公問章
入宋地又持台宗諸書惠彼人故慈雲南嶽
止觀序曰日本國圓通大師寂照錫背扶桑
杯泛諸夏既登鄮嶺解篋出卷大矣哉斯文

唐書本自武宗

也始自西傳猶月之生今復東返猶日之外
照又呈問章於法智智嗟嘆答釋自此彼方
欽我國台教之盛焉昔天竺失起信論而久
矣焚三藏譯唐成梵流傳印度彼高麗之書
不全備宋人慳缺疑半矣及我書之至始驚
遂師之無遺漏又見問章益嚮此土之有人
也其後法智遺比丘就我多寫由是視之慈
雲比我日外不惜言乎
密者如來事用之正印也夫聖人用事之機

真言

不可得而測也故以秘密而為言矣聖人之
有應也隨土而殊稱焉密巖究竟之域号曰
毗盧堪忍闍浮之地号曰釋迦自性變化之
異耳未嘗有二矣亞聖之士曰金剛手周旋
二主全獲秘印鄭重傳持不輕與人有龍猛
者後而出焉亦亞聖之才也膺楞伽之懸識
集達磨之大成南印之地鐵塔之中神人衛
護凡庸絕跋於是龍騰擲芥子之微眇啓金
剛之關鍵是秘教之所以見世矣龍智闍梨

以長壽之質受密藏之訣真子金剛智唐開
元七年遠跨廣且玄宗館慈恩寺遷薦福所
至結壇灌頂初四年善無畏來又金剛手之
孫也其父達磨麴多年八百歲玄宗已居西
明寺稱為教主二人傾蓋互相受授其學益
廣智之徒不空其才跨竈智臨汲令空見其
師龍智空承願命駕鯨浪赴師子之國觀龍
智之祖以故秘密之道太全於空矣其法分
於五劫於三合於二二者胎金也三者佛蓮

金也五者加寶羯也胎建四重金開九會赫
赫如也濟濟如也三劫者修時也六無畏者
修位也月之盈虧者證之階差也而皆不同
諸顯之位次也護摩獻諸聖供四爐火熾灌
頂授輪王位五瓶水清印明並持寶車兩輪
馳逐理事俱密金針雙鎖往來杵鋒利銛干
鎊猶鈍鈴音和雅韶武皆瘖其為要也主觀
其為修也主供能供能觀不換此身即階聖
位非天下之至上至高其孰能與於此哉延

曆之末傳教弘法一時異受故有台密有東
密台亦有慈覺智證之再稟東亦有小野廣
澤之競傳四派別流千支万帶後溢四海不
知紀極震且之密衰於唐末絕於宋初唯我
日域轉久轉熾南渡之後學台之清信士鎧
庵吳克已撰釋門正統扶樹台教者也言之
曰華嚴頓施別圓則無俟乎密鹿苑專說小
乘則未易用密唯方等般若二時欲轉小成
衍及被接入別圓則如來始於此時有顯密

二輪之用若夫法華開顯無小無大俱入一
乘所謂密者尚何施邪唐末亂離經疏銷毀
今其法盛行於日本予嘗痛世人不學其宗
而謾議焉涓涓者鎧庵皆是也台徒以鎧菴
比雜華之李長者何其容易發言乎今見此
評宛如杓鑿之不相逗也豈瑜伽金剛之乘
彼鎧庵之所弄甯乎又以方等般若為密時
者自家五時之管封邪又華嚴不俟法華何
施之言皆不學之過也殊不知二經共瑜伽

之各一會耳。只其學密之者，諳悉而已。禪者如來心性之玄蹟也。昔婆伽梵三乘道徧四衆化，盈猶未得其人。末後金色尊者，契證全付，是曰正法眼藏。涅槃妙心，所謂教外別傳者也。四七相授，至菩提達磨，達磨承西天之正統，創東震之宏基。捧盤軟盟，叱六宗於堂下。探懷取物，得一臂於雪中。見其辨珠智之發妙，手宜哉。携履靈之彰滅，後乎二三稟系為曹溪。曹溪膺受桂蔭之洪業，示寓樵

隱之微生，弗爭衣。五手拱重寄山嶽，不學文字。舌翻大藏，彼瀾曹溪已前。此道如元氣氤氳而著，人人不省矣。曹溪之後，天象爛然。率土無不景仰焉。初分而輪如也，次列而緯如也。後加而曜如也。蓋南嶽青原者，兩輪也。臨雲瀉曹法者，五緯也。楊岐黃龍之加五家也。猶大陽大陰之成七曜矣。金雞之粟廬陵之米二輪之喻育也。天下無不取之以生焉。猶何云哉。今粗言縉曜之化成矣。夫玄要句語

三之矣。料簡賓主。四之矣。頭上雷轟。一喝不
及。掩目目前。電閃一棒。無處轉身者。臨際宗
也。納脚睦州。門中門閉。脚折封眼。靈樹函內
函。開眼明三句。語揮劍而不痕。一字禪。嚙蠟
而無味者。雲門宗也。正中徧中。設五位成三
疊。東說西說。推一位忌十成。玉顏無看。黃閣
簾下。寶車不碾。紫宸苔生者。曹洞宗也。三春
回齒頰。勝却鷲子之神通。百月列胸懷。脫出
應真之妙畫。用劍刃上事。行炷燈前機者。瀉

仰宗也。言八識而異。慈息用六相。不類雜華
鼓吹。而曲入別調。擬議則箭過新羅者。法眼
宗也。是緯之五者也。受乳哺於三角。虎見步
驟於三脚。驢其道難容受也。謂之栗棘蓬。其
機難透脫也。謂之金剛圈者。揚岐也。竭盡泐
潭之死水。鼓起智海之洪濤。坐一榻而應四
來。立三關而接万衲者。黃龍也。是加兩曜而
七者也。赤縣之域。不承緯曜之照臨者。未有
之矣。非天下之至純至極。其孰能與於此哉。

初昭公稟二藏之密付道璿有行表之別傳唐大德寺傳
義空得鹽官之正派而來慈覺受蕭氏之秘蕭慶中在傳
授而返然而四傳不嗣聞爾無聞後三百年
建父之間建仁西公單傳全提逮于寬寶爾
隆二師鼓行東西此方殿傳雖恨遲暮百數
十歲鬱為強宗西積翠之叢也爾隆揚岐之
胤也北地亦有新豐之微派天下之曰禪者
三家矣方今元國之禪亦此三而已餘先泯
矣

俱舍成實
淨土

上之七是此方之名宗者也又有淨土焉有
成實焉有俱舍焉斯三為萬宗譬國之附庸
焉而各皆有宗矣七家之者挾而糅用蓋俱
成二宗亦能叙置二寶四諦攝諸名相而設
千理者成實也界根世業聖智定破事理兼
施者俱舍也凡三乘之階位三界之成壞道
法之修證業惑之伏斷綦布星列無不畢見
矣故七家之者取焉昔有學自中世而廢學
者又陋其小徑而不名家也淨土一宗或大

或レ小依修者而然無祖宗之定系故也始章
提希遭逆子之難如來愍而開十六觀想是
所以淨土之建也其餘修多羅散見不一焉
東晉慧遠結蓮社於廬阜支那樂邦之址也
逮李唐善導盛行之廣被緇素又諸宗碩德
叅而修之所謂智者向西而稱贊杜順歷而
勸諭圓照密修雷峯遊目淨殿慈覺勸會普
賢八名勝場雖勤崇奉皆勞資之是附庸之
謂也本朝空也師倡之猶導之於唐源信源

空繼而助之レ雖廣行四部而無レ統系故今為
寓宗宋地又此宗熾無統系者與レ同焉
七家之徒互相毀レ些非三論者曰レ幾派絕矣
非唯識者曰レ不用他典非律者曰レ傷東レ矣
非華嚴者曰レ無伏斷分齊非天台者曰レ權實
偏取非密者曰レ緩事而放非禪者曰レ任性而
誕如是之類多矣夫物咸有弊幣者迹也達
人大觀而不見迹矣嗟嗟之者徒而毀レ焉
彼震旦者三論密亡者久矣唯識賢首殆于

絕矣言佛之者只三家為全耳國家自始傳來未嘗墮類其間有弛衰者其徒之辜也我謂此土大乘醇淑之疆者不誣而已矣

會儀志四

易曰亨者嘉之會也傳曰某所亦某都會也然者會者通聚之謂也夫物在局必塞故聖人通之矣在獨必孤故聖人聚之矣會之時義大矣哉牟尼覺土之御於西印也嘉都之大會也一說也梵釋聖凡還香而聽矣一餐

也菩薩聲緣排列而食矣是曰二輪必於會焉二者相轉屬所謂食輪法輪也其轉處或山林僧伽藍或王宮臣民家未嘗單設獨食焉畢食而有說請說而設食如來又不忤人情矣又夫物集而無儀則亂焉故會必嚴儀矣吾法三千之儀尚不失於獨樂況聖凡之大會哉匿王宮掖之齋文殊分領聲聞菩薩力士城林之供純陀寂冠釋梵王臣是會之有儀而嚴者也又有般遮于瑟此云無遮會

身毒之風俗常設焉聖凡上下賢愚通聚而
無間故曰無邊嘉會之都會而不忘之者也
東漢永平十四年正月南岳道士褚善信率
五嶽八山道士六百九十人上表興我角試
十五日明帝幸白馬寺百官咸會焉設三壇
東壇道士置經子符籙西壇摩騰安像經舍
利中壇奉饌食奠祀道士遶壇泣曰主上信
邪玄風失緒敢置經籙於壇以火取驗即縱
火悉成爐道士相顧愧赧及焚佛經五色光

徹天表新畫像經儼然摩騰躡身空中現諸
神變竺法蘭出和雅音敷宣佛法天雨寶華
大衆欣說上元燒燈起於此焉東晉元帝大
興元年召沙門竺潛入內殿講經以德重令
著袂登殿劉宋高祖永初元年設齋內殿令
沙門道照說法觀金三万求那跋摩居祇洹
寺講華嚴經文帝曰率公卿集座下傾聞孝
武帝大明六年四月八日內殿灌佛齋蕭梁武
帝中大通元年京城大疫帝於重雲殿為百

姓設救苦齋復幸同泰寺設四部無遮會陳
陳武帝陳武帝永定三年大內設仁王大齋文帝天
嘉四年於大極殿設無身大會陳文帝後主至德二
年召智聚法師於大極殿講金光明經李唐
顯宗懿宗禁中設萬僧齋帝升座讚唄長眉沙門
來應供凌空而去趙宋神宗元豐三年正月
設千僧齋於大內施千袈裟千金剛般若薦
慈聖太后福震且之會儀甚多不暇備舉本
朝敏達十三年蘇馬子營殿設大齋會爾來

斯儀尤盛率見資治表矣夫宮禁者雲天也
凡庸不可階矣雖王者無外爭柰九重深密
而多屏闈何然設無遮會也隸皂步丹墀矣
啓安居講也壞色排玉臺矣皆吾道之騰烈
也文永之間宋沙門寓洛見宮中取勝會嘆
曰偉矣哉儀也至尊之崇佛也宋地未有之
矣錄蕃之秦口恐不得併吞焉吾國夢如也
已其殆焉斯方神靈忍坐視哉德祐二年宋
祚果絕然我文弘之二蕃寇佛神戮力為援

焉戈矛纔交風浪俄激千艦万卒一時破溺
豈非國家信敬供祀之所由乎

封職志五

佛者富貴之極備矣華藏世界其封富矣果
滿妙覺其職貴矣及應於閻浮尚受刹刹之
種當輪主之位而視若脫屣矣乞他而食依
入而庇其旨深矣夫佛之有為也為他而非
自矣若其自者無為也無為者實際也實際
無云為也矣其深旨之者五焉勢位妨外故

避之矣利祿蠹肉故避之矣銷宿殃故避之
矣期大果不顧小利故避之矣為世福田故
避之矣斯五者吾佛貽於吾人也吾人之於
五者也始四者自也後一者他也其自者避
而又避之矣其他者避自而受他矣避自故
刹種輪位皆脫屣也受他故食他庇人皆福
田也是所以吾人之有封職也而若自有者
雖針草為難消矣若保他者雖巨方又恬如
矣屏莎之五百車須達之百億金多多益他

我不干矣初如來置上座寺主維那舍利故身子
冠鹿苑之座飲光知鷲嶺之事又文殊時時
主綱紀和上阿闍梨早見梵綱矣國師輪師
三藏尊者共西域之稱也至震旦益繁衍矣
不唯封給也加之以職位可謂渥寵矣不唯
僧官也重之以俗爵蓋傷於敬矣而又吾人
之不得已也又夫喪有賻葬有謚職以僧正
僧統僧錄号以國師大師禪師是等之類多
今少出其端焉西晉懷帝永嘉四年天竺佛

圖澄至後趙石季龍傾心事之号大和尚乘
輿升殿東晉孝武寧康元年詔曰法師道安
以道德昭臨天人宜日食王公祿所司以時
奉給安帝隆安五年鳩摩羅什居道遙園秦
主姚興與三千比丘執經諮稟時長安地僧
尼麀至濫狠不軌秦主令僧碧為國僧正檢
按僧尼秩同侍中給車與吏力法欽為僧錄
僧遷為悅眾班秩有差各給親信白從三十
人南宋文帝元嘉十二年敕尼寶賢為尼僧

正二十二年沙門慧嚴卒勅賜錢五万布五十
疋南齊武帝武帝孝建元年救道猷為新安寺法主
南齊武帝明帝泰始元年救道猛為綱領賜月給三万
令史四人白簿吏二十人車及步輿一乘又
詔僧瑾為天下僧主賜法技一部鑿磬親信
二十人月給錢三万及車輿吏力南齊高帝順帝昇明
元年救法持為天下僧正南齊高帝詔法類
為京邑僧主南梁武帝天監十六年救沙門
慧超為壽光殿學士召眾僧講解經文並居

禁中內道場自此始南齊武帝普通六年救法雲為大
僧正給吏力南陳文帝救寶瓊為京邑大僧
統南岳慧思賜大禪師北魏明元永興元年
封法果為輔國宜城子神瑞元年加封忠信
侯又加封安城公平謚靈公文成興安元年
救師賢為沙門統和平元年詔曇曜為昭元
都統西魏文帝大統元年救道臻為大統北
齊文宣天保元年拜法常為國師救曇延為
昭元上統二年詔置昭玄十統以法上為大

統令史貞置五十人李唐受封爵者滋矣太宗貞觀中封智威為引駕大師玄宗開元三年詔一行為天師代宗救謚達磨圓覺大師封不空三藏開府儀同三司肅國公食邑三千戶卒贈司空德宗救謚二祖慧可大祖禪師又充圓照內供奉開成元年救雲端充左右街僧錄宣宗大中二年救知玄充三教首座五代江南李王有導師号趙宋初謚天台智者法空寶覺尊者或有四字六字師号不

遑救舉高宗遺金虜之連劫之經費建炎二年十一月救費四字師号價二百千本朝推古三十二年觀勒始為僧正德積僧都介來官位相次而出大化元年置十師白鳳十四年百濟常暉賜封三十戶持統七年沙門法鏡賜田三十畝寶龜二年置十禪師延曆十七年僧階配官位永保三年沙門性信加特進凡繫年之者見于資治表斯不繁焉昔者孔子罕言利况我輩乎而立封職者令斯人

知吾佛毫光之餘輝也。又夫聖王之舉不苟矣。大化寶龜之十師者。比齊昭元十統之所自乎。僧正僧都皆是也。又趙宋賣號不能無議。嗚呼。亂離之主助。一時之國用。我尚怨諸買之沙門。為誰哉。比丘之浮虛。至於斯矣。我按誅姦諛於既死之刀焉。昔漢武帝伐我狄而國宴始。鬻爵史毀之。唐肅宗逢羯獠之冠而販牒。祖述干漢武矣。宋之賣号出于二主乎。補一時之小厄。貽万代之大疵。惜乎三帝

之短術也。我國家無是等醜。不特士俗之醇淑也。又奉佛者深之使然乎。

元亨釋書卷第二十七

卷之四巳酉年

北新

